

¿Nisaa naní tú ita yó'o, ta ndiáa itún kúú nú iin kátyi kùnì koo xí'ín nú?

Ita yu'ú da'an davi ndátú'ún na ñuu Chigmecatitlán, ndíkun ndiaa ñuu Índia Ndio'o

Ta īzquixōchitl naní ña nùú na ñuu íkòó nà ndéé tyí Cuenca ña ñuu Kǒ'yo, ña siglo XVI.

Nùú kàna kìvì ita yó'o: ita esquite.

Tú ká'àn nà xí'ín ita yu'ú iin kátyi kùnì koo nú xí'ín nú borraja, saá tu nú gulabere (á sasanile) tú heliotropo xí'ín nú nomeolvides. Sava nú itún yó'o ra, iyo túmí kuálí sàtá ikù nda'á nú. Sava nú ra, téé íxa ndo'ó tìso'ma káá íxa ita kuálí nú, ndákàvà ko'ndo ña íyo ña nda'á nú.

¿Ndiáa kúú ña íyo ita yu'ú yó'o?

Ikú naní monte cristo, nùú ndakitá'án Honduras, Guatemala xí'ín El Salvador ikán íyo nú ita yu'ú yó'o. Ñákán và'a íyo nú xíkí nùú ndákaka vùkó núú, nùú nì'ní ta saá tu nùú ndíkàà lo'o kaxin. Xà yàtyì nìí ví xínìñú'ún na itún yó'o, téé tǎ'an kì'vi na europeo ndakundee na mí ñuu yó'o xà saá ví íyo nú nùú nì'ní ña kuà'àn tyí sur, kèè ña Guatemala iin saá ndià Michoacan. Ikán íyo nú ndiàà vityin va, sava ñuu ra ndíta nú yé'e ñù'u na, ndíta tu nú kamisanto nà.

¿Nè kée kúú ña kúndàà ka ini yó xà'á itún yó'o?

Ita kána nda'á nú itún yó'o ra, nà íkòó nà xítiaa poema yàtyì, kuiya 1520 xítiaa nìí nà kìvì ña nùú tutu, saá íxa na téé mí sàkán lo'o nìí kuiyà nìyà'a ña kìxaà nà sǎ'án nìkì'vi na ndàkundee na ñuu yó. Na frayle, nà kìxaà nùú nùú kuití ñuu yó ñuu Kǒ'yo Ká'nu sàkuǎ'á na ndátú'ún na tù'un íkòó ra, ta sáa kì'in na kuénda luvi nìí ká'àn poema tíaa na yó'o, ña vaxi nùú tutu ndìkuiso na naní: cantares mexicanos xí'ín Romances de los Señores de la Nueva España. Kuà'á ityí ndàña'à nà ita yu'ú xáá ña nda'á nú itún yó'o saá tu ita kuálí naní rosita de cacao, vaxi ña nùú tutu yó'o. Ita rosita ña cacao yó'o ra, ña yó'o kúú ña tâxìn kuàkita xí'ín rá nùnì xí'ín yó, rá xí'ín nìí nà ñuu Ndūva, rá ká'àn na xí'ín téjate. Ñà yó'o kúú ña ndáxà'àn támi rá xí'ín. Ñà ita kuálí yó'o ra **cacahuaxōchitl** naní ña nùú na íkòó. Saá, yó'o vaxi iin ña'ñu lo'o ña kúú poema yó'o:

*Mā īzquixōchìtli
thuān cacahuaxōchìtli
mā onmoyāhua
mā ontzètzelihui
ye nicān huēhuētītlan
in ontāhuiyacān.*

ndià ita yu'ú
saá tu ita sì'và
ná kuìtià yávà ña vityin
ndikùn ná kòyo ña tákuà'a íxa sàví tée kúún yáá rá
ná kòyo yávà ña nùú sáka'a yó yó'o
¡Saá ra, ná kusíí ini ndi'i yó!

¿Ndiáa xíniñú'ú na ita yu'ú yó'o vityin?

Sava ñuu ndíkùn ndiaa mí ñuu Ndůva yó'o ra ndíta níi tú ita yó'o yé'é ñù'u na, saá ndíta nú ñuu naní San Andrés Huayapan, iin ñuu lo'o yatyin níi ndíkàà xí'ín ñuu Ndůva yó'o. Ta saá, ná ña'á, ná zapoteca, ná íyo tyí Istmo ñà Tehuantepec xíniñú'ú ná ita yó'o kâtún xìní ná kuà'àn ná vikó íyo ñuu ná. Ita yó'o ra **Guie' Xhuuba'** naní ña nùú na zapoteco, ta saá íyo tu ná ña'á naní saá va. Ita yó'o kúú tu ña tâán nà xí'ín rá nùní xí'í na tée íyo vikó, ta tyíkàà nà lo'o sì'và xí'ín rá, ita yó'o kúú ña támi níi xá'àn rá xí'ín, ta saá tyíkàà lo'o tu na ita nùni xí'ín ra.

Ita yu'ú íyo jardín yó'o

Ndàtyi'i ndi indàà tú ita yu'ú yó'o ini jardín etnobiologico yó'o. Kù'va kù mí métró káá súkun nú, su tá'àn xá'nu ka va nú. Iin na ve'e, nà tá'án yó, nà ndéé kuà'àn tyí istmo nàkán nìsòkó nú nùú ndi, lo'o níi va nú kìvì kìxaà nú, kù'va ùvì métró káá súkun nú tée kìxaà nú. Ta, xà ndúkun níi ndi tavá ndi sì'và nú, ndàtyitá'án ndi ñà'a ñú'ú ini ita kuálí nú na kana sì'và nú án ndikín kuálí nú, su xíín nú tavá nú sì'và nú. Saá, sana ndixa kúú va ña ká'àn na kátyíñu jardín yó'o, nà kèe tyí istmo, ñà ndatyitá'án va yó nú sàtá tá'án nú, saá ndakana tiò'o nú ña kuvi ndataán yó nú, tyi kòó kana sì'và nú.